

東臺縣志卷之七 考二

星野 祥異

東海分野南斗星躔微茫元渺匪可言宣讀美哉
歲度舍更遷莫維在地垂象於天日休日咎人事
徵焉有守土者敬慎勉旃志星野

周禮保章氏以星土辨九州之地所封封域皆有分星
以觀妖祥注星紀吳越也

爾雅星紀斗牽牛也郭注日月五星之所終始謂之星
紀

左傳昭三十二年吳伐越晉史墨曰越得歲而吳伐之
東臺縣志 星野 卷之七 一

必受其凶杜注是年歲在星紀 鄭元云天文分野
斗主吳牽牛主越此是歲星在牽牛故吳伐之凶

史記天官書斗江湖牽牛婺女揚州漢書地理志吳地
斗分野也廣陵吳分

律歷志自斗十二度至婺女七度為星紀

司馬彪續漢書志星紀起斗十一度終婺女七度為吳
越分

晉天文志自南斗十二度至須女七度為星紀於辰在
丑吳越之分屬揚州又云廣陵入牛八度

唐天文志斗牽牛星紀之次起南斗九度中南斗二十

四度終女四度自廬江九江負淮水下南盡臨淮廣陵至於東海皆星紀分南斗在雲漢下流當淮海之間爲吳分牽牛南河寢遠爲越分

元天文志揚州北極出地三十三度又云斗四度二十六分六十六秒入吳越分

清類天文分野書斗三度至女一度屬吳越分揚州直隸應天府斗分星紀之次

新府志用八線表法實測得東臺縣北極出地度數并二至日出入晝夜時刻 北極出地三十二度三綫

二綫 夏至日出寅正三刻八分日入戌初二刻一分晝五十九刻八分夜三十二刻一分 冬至日出辰初二刻一分日入申正二刻八分晝三十二刻一分夜五十九刻八分

東臺縣志

卷之七

星野

二

分野之說如揚州在虞夏時地廣而分野亦廣漢唐以後地析而分野亦析見於史書天文志者大率類此伏讀

欽定熱河志敬載

御製題毛晃禹指南詩注史記天官書二十八舍主十二州引星經如云角亢鄭之分野之類乃以二十八宿主十二州分配無餘此外更當何屬夫天無

不覆星麗乎天亦當無不照今十二州皆中國之地豈中國之外不在此昭昭之內乎且其間有地少而星多亦有地多而星少如井鬼爲雍州陝西甘肅皆是其道里之廣已非兩舍所能該而今拓地遠至伊犁葉爾羌喀什噶爾較禹貢方隅倍蓰其地皆在甘肅以外將以雍州兩星概之乎抑別有所分屬乎

聖訓昭垂誠足破千古拘墟之見新府志折衷
睿裁謹遵

欽定熱河志體例用歐羅巴法實測得揚州府所屬北極

東臺縣志

卷之七

星野

三

度數並日出入晝夜時刻洵精且當矣故備錄之
祥異

宋太祖乾德二年七月海溢壞廬舍數百區牛畜多死
三年六月潮溢損田禾

太宗太平興國四年雨水害稼

眞宗大中祥符六年生聖米大如芡實
此條萬曆秦州志與化志同

天禧元年春蝗夏六月大風吹蝗入江海或抱草木死
仁宗天聖五年三月地震

皇祐三年十二月獲白兔淫雨爲災

徽宗政和五年六月獲白兔水沒民人一千餘口 六

年水時江淮等處軍州被水民戶流移泰州一千餘
高郵二千餘聚於揚州通判蒙安存卹得宜下詔褒
美

高宗紹興四年七月風激海潮沒田廬此條與化縣舊志

孝宗淳熙三年七月蝗 四年黑鼠盡食田禾民大饑

萬曆志 六年大饑人食草木
作五年

光宗紹熙二年七月蝗

元世祖至元十八年四月饑

成宗大德九年蝗

順帝至正元年海潮湧溢溺死一千六百餘人以上秦州志

東臺縣志 卷之七 祥異 四

明太祖洪武二十二年七月海潮壞捍海堰漂沒各場

鹽丁三萬餘口天啓中十場志 二十五年旱 三十三年

海潮溢北五場

成祖永樂二年倭寇犯通州諸場驚亂

宣宗宣德五年大饑民流多殍

英宗正統二年水既而旱運司奏鹽場水旱災有賑

二年災 五年大旱 七年水 九年水 十年水

十四年大水免租課

天順元年水

景帝景泰五年五月大雪竹木多凍死七月復大雪冰

厚三尺海濱水亦凍結草木萎死又大水民饑免租
給賑北五六年水 七年旱蝗有賑

憲宗成化元年水 二年水繼大旱 三年七月海潮
溢漲壞捍海堰六十九處漂溺鹽丁二百四十七人

命巡撫林聰賑之北五六年秋至七年春大旱運

河竭揚州上運河迤通泰一路水盡涸鹽車伊啞之

聲晝夜不絕此條參萬 歷秦州志八年春大旱七月大雨海

漲浸沒鹽倉及民竈田產北五十六年旱有蝗從

東北來蔽空翳日 二十年秋至二十一年冬大旱

鹽河龜坼民饑斗粟易男女一人 二十三年大旱

東臺縣志 卷之七 祥異 五

孝宗宏治十三年大水 十四年春至十六年秋大旱

且疫命南京吏部左侍郎王華賑之此條參雍 正秦州志十

八年大旱飛蝗蔽空食田禾殆盡

武宗正德元年正月河水冰冰皆成樹木花卉形 三

年大旱飛蝗蔽天食禾苗盡夏復大水冬寒甚 七

年秋七月夜颶風海溢沒民廬舍溺死三千餘人

十二年大水禾麥無遺民死者以萬計 十三年五

月大水無麥有賑 十四年大風拔木海潮溢民居

廬舍半漂没人多溺死北五

世宗嘉靖元年七月二十五日暴風雨火塊閃爍雜其

中徹晝夜海潮湧竈舍竈丁俱漂沒莫知其所在

二年正月至六月不雨秋七月淫雨不止河隄決漂

沒田廬民饑人相食冬大疫死亡無算詔命南京兵

部右侍郎席書賑之免明年租此條參兩三年旱

大饑道殣相望命巡撫唐龍卹賑六年七年夏旱

蝗生積地厚數寸秋大水有賑八年水秋七月旱

飛蝗蔽空兼雨土如黃丹九年秋七月蝗冬雷

十年夏蝗蝻生十一年水為災北五十二年四

月淫雨傷麥霾沙飛蝗蝻遍田野十四年五月大

雷電擊牛畜毀廬舍六月江淮大旱飛蝗蔽天八月

東臺縣志

卷之七

祥異

六

蝻生積地厚尺許草無存有賑十五年春夏旱秋

淫雨沒田禾免稅泰州志十八年閏七月三日海潮

暴至陸地水深至丈餘漂廬舍沒亭場損盤鐵竈丁

溺死者數千人是年御史吳悌行司議將各場災傷

銀一錢四分解司貯庫聽商關支後不為例其遞年

查盤總催虧欠消折鹽課每引俱折追價銀二錢并

以上貯庫三場折價銀兩商人齎執各場印信申文

到司查對原派榜簿相同俱於每月十六日放給

十九年夏旱飛蝗自北來傷田禾秋復大水二十年

旱蠲賑二十四年旱二十五年大旱有賑二十八

年夏大水三十一年水有賑三十二年旱

倭變有賑三十三年大旱城濠竭倭入東臺河堦

併茶等場越海安鎮

以上七條俱雍正秦州志

三十四年春旱

河水盡涸夏大雨如注一晝夜兩壩俱決秋蝗又至

食屋草無遺有賑 三十五年大水廬舍漂沒有賑

運鹽河生蛤蜊 三十六年彗星見東北是歲有倭

警 三十七年水 三十八年大旱二月至八月不

雨秋復蝗倭寇至揚州秦州高郵寶應俱被害五月

倭夷入寇州民狼狽逃竄蹂踐殆盡

萬曆秦州志

四十

一二三年俱遭淮水

穆宗隆慶元年大有年有斗米三錢之謠 二年大稔

夏酷暑田婦多暍死雙星見民間訛傳選宮女一時

東臺縣志

卷之七

祥異

七

婚嫁殆盡 三年秋大水海溢潮高二丈餘舟行城

市溺死人民無算水患較前最烈

雍正秦州志

河決高家

堰黃浦口水奔騰萬姓爭載舟結筏避之田畝為巨

浸

萬曆志同

四年旱蝨賊食禾苗民饑

五年六年潦

民饑

神宗萬曆元年大稔 二年河決水患同隆慶三年有

賑

雍正秦州志

三年春冰大水七月十五日海潮暴至

人民禽鳥悉罹災大風壞木傷禾 四年秋淫雨天

生耳敬慎騰貴

五年苦雨九月二十九日彗星見

西南光茫三丈餘東掛片半月至十月十五日始滅

六年大水十二月雷 七年水民饑陰雨楫茶竈丁
饑死二十二入 九年水海潮漲竈丁淹死者無算

十一年閏二月雨雹大如卵殺飛鳥夏旱蝗生有禿
鷲海鶴羣飛來食之 十三年大水海溢十月初六

日地震 十四年五月颶風淫雨二旬不止廬舍悉
沉民懸甑以炊浮木以棲 參雍正 秦州志 十五年烈風淫

雨沒禾稼 十七十八年旱蝗民奔徙 十九年水
二十一年秋隄決洪水至 北八 場 二十四年天雨粟

已復雨毛 雍正秦州 志作五年 八月初九日酉時河海水齊
隄行舟遭衝激 二十五年春大旱夏大雨兩月

東臺縣志

卷之七

祥異

八

二十六年水 二十八年二月十九日大雪兼雨雹

雹有斑文如瑪瑙 二十九年二月二十九日將昏
南方大雹并雪積二寸北方雲赤色 三十年大水

三十一年稔夏秋大疫 雍正秦 州志 三十三年旱 三
十五年夏旱秋丁溪海潮泛入河井大皆成 三十

九年水 四十一年大稔 四十二年雨雹傷稼
四十五年旱甚四月蝗飛蔽天食禾苗盡草無遺入

民居室牀帳皆滿積厚五寸許秋復至分司李聯芳
購捕蝗每蝗石給穀五斗其得蝗七十五石蒸解鹽

運司 四十六年春積陰夏旱蝗生九月二十日黎

明東南有白氣冲天日出則不見凡十餘日十一月
孛星見東方下破軍星五尺光芒拂北斗長二丈許
夏蝗起食蕩草殆盡 四十七年大旱改折 雍正泰
州志
四十八年蟹傷禾大水改折

熹宗天啟元年水民間訛傳選宮女婚姓不詳
年大稔 三年十二月二十二日申酉之交地震自

西南來垣墉動搖移時江河水皆嘯 五年夏旱秋
水冬饑米價騰貴梁塚場草寇盡起至六年春民不

聊生挿草鬻子女者盈衢市饑民搶預備倉 衛史朱
廷立奏
日鹽課之盈縮由竈丁之存耗蓋竈丁為煎鹽之本
未有不加意於此而欲加課於彼者也各場煎鹽竈

東臺縣志

卷之七

祥異

九

丁頃年以來節遭災傷逃亡過半以故虧損國課貽
累官總且如民間一遇災傷所司隨即奏免稅糧至
於鹽課之入乃必取足焉是竈丁煎辦之苦有甚於
耕耨之民而寬恤之惠獨無一分之及窮竈嗷嗷無
所仰賴如之何其不流移也請今後竈丁凡遇饑饉
之年除應得隨鹽賑濟外其餘照有司賑濟事例是
為動支官銀責委廉能官員設法通融給散務使窮
竈均沾實惠庶竈丁獲寬恤之恩鹽課無虧損之漸
而官總可免杖
追併賠之患矣 六年七月大風拔木蝗旱冬雨木

冰 七年水傷稼

莊烈帝崇禎元年稔

按如臬志是年十一月乙酉大昏霧草木皆成冰

四年

夏旱秋大水決湖隄民饑冬道殣相望 五年春多

盜夏旱六月望日大風拔木八月淮再決漂禾稼

六年稔 七年閏八月二十五日大風雨拔木漂禾

國朝

稼 八年正月流寇掠鄰邑七月蝗 九年夏淫雨
 傷禾冬無雪 十年大稔冬日入赤光亘天 以上俱參奉州志
 十一年夏秋旱井泉涸七月至九月飛蝗蔽天
 方千里禾苗草木無遺冬日入赤光亘天 十二年
 旱蝗冬無雪赤光亘天 十三年四月至七月不雨
 蝗復至飛盈衢市屋草靡遺民大饑人相食 十四
 年旱蝗有麥無禾河竭春夏疫死者無筭麥石價一
 兩八錢米石價五兩運河有蝗 十五年春旱五月
 雨雹破屋廬殺牛畜 十六年稔十一月十三日冬
 至酉時大雨雷雹 十七年春疫人多死

東臺縣志

卷之七

祥異

十

皇朝皇帝順治元年稔

二年麥秀兩歧六月四日海溢

按如

皋志閏六月星
隕如雨又雨沙

三年大稔十月十五日冬至未時

地震房宇皆簸簸有聲 四年水有秋 五年稔

六年五月四日大雨四日水漫岸六月洪水至 七

年旱秋九月大水十月朔日食無光晝晦星見是夜

雷電風雨海潮溢 八年五月至六月連雨二旬水

三尺禾盡淹 九年春夏旱瘟疫行 十年夏旱且

疫 十一年六月二十二日風雨大作海潮漲 按如皋志

是年蕎麥每石三十兩 九月白晝有黃蚊飛嚙人十一月河冰

聖祖仁皇帝康熙元年旱七月水決禾無收民饑 三年八月

厚尺餘人行冰上雨浹旬 十三年春旱閏五月淫
雨傷禾秋七月訛傳選宮女民間婚配惟恐後室女
爲一空 十五年四月四日地震屋舍動搖初十日
又震既止移時復震翼日又震十六日又震凡五
十六年春饑分司高勃勸賑夏六月海賊鄭成功寇
瓜步入潤州窺金陵沿場戒嚴八月洪水至 十七
年四月二十日雨雹二麥傷六月雨十五日午時天
中星見秋稔 十八年海潮至淹廬舍無算秋旱

東臺縣志

卷之七

祥異

十一

西指經月餘始滅 四年七月颶風作拔樹海潮高
數丈漂沒亭場廬舍竈丁男女數萬人凡三晝夜風
始息草木咸枯死 五年五月朔有霜 六年四月
蝗蔽天分運汪兆璋購捕蝗蝗石給粟斗民爭趨之
數日後蝗一夕盡抱草死 七年六月十七夜地震
河水觸岸有聲墻垣傾圮秋八月淮水至民饑 九
年五月大水蠲免全糧發帑賑濟復准報涸三年之
後方行開徵 此條雍正
秦州志 十年春水分司汪兆璋勸
賑流民得不饑六月七月旱疫行人多死米石價一
兩八錢 十一年六月飛蝗蔽空七月洪水至傷禾

恩免

十二年水 十四年水 十五年水 十

六年水 十八年蝗旱 十九年水 二十一年水

潤 二十四年水 以上各年水旱下鄉錢糧俱奉

三十二年水蠲免地丁銀七千八百七十六兩零鳳

采一千三十四石零 三十五年大水丁糧全免三

十六年水奏准併新水積水版荒三案共蠲免地丁

銀三萬八千八百兩零漕米三萬二千五百石零鳳

米七千五百石零月糧米五百三十九石零月糧麥

五百八十八石零 三十七年水蠲免同三十六年

三十八年以白駒等十四場水災巡鹽御史卓琳奏

東臺縣志

卷之七

祥異

三

准豁免三十七八兩年應徵折價三萬三千六百九

兩有奇

此條鹽法志

三十九年大水丁糧全免 四十

四年水蠲免地丁銀八千六百兩零鳳米二千二百

石零 四十六年旱蠲免地丁銀八千五百八十兩

零鳳米二千二百四十八石零 五十二年旱蠲免

地丁銀四千五百八十兩零鳳米一千一百九十九

石零 五十四年水蠲免地丁銀一千二百七十二

兩零鳳米三百七十二石零 五十五年旱蠲免地

丁銀二千四百七十兩零 五十八年水蠲免地丁

銀七千五百九十兩零鳳米一千九百七十五石零

五十九年水蠲免地丁銀八百二十九兩零鳳米二百四十三石零

世宗憲皇帝雍正元年大稔 二年七月十八九日風雨東臺

等十場暨通海屬九場共溺死男女四萬九千五百

五十八口衝毀范公隄岸漂蕩房屋牲畜無算蠲免

折價賑濟竈民淹沒民田地八百餘頃蠲免地丁銀

八百三十九兩零鳳米二百八石零時據糧戶朱華

唐劉庄人等呈請巡撫自此散里革除排年碑立秦州署二

門文載藝文志 三年半熟 四年稔 五年稔 六年秋

大有年 七年夏旱蝗 八年六月二十一二日大

東臺縣志

卷之七

祥異

三

風海溢 九年冬恒燠十月地震 十年秋七月十

七八日風雨大作壞屋拔木陸地水深尺許江海溢

十二年大風壞屋無筭海潮溢 十三年秋大水冬

雨黑豆

高宗純皇帝乾隆元年童謠云乾隆錢萬萬年先買瓦屋後買

田秋海溢冬訛言禁民間畜雞四境盡殺而埋之如泉

志 三年秋大旱河竭蠲免折價平糶兼賑采鹽法志

五年海溢冬大寒采如泉志 六年稔 七年夏秋淫雨

漕隄決街市水深三尺漂溺人民廬舍蠲免折價錢

糧平糶兼賑 八年夏風雷暴作大水停緩二三五

六年帶徵折價 九年春雨雹秋旱蝗 十年普免

錢漕秋海溢冬大寒 十一年十二月築避潮墩

十二年秋七月十四五六日大風潮溢淹損通淮泰

屬鹽場男婦丁口照上江例給棺殮銀每大口一兩

小口減半蠲免折價積欠發穀平糶 采鹽法志 十三年

正月十六日夜月背似蝕非蝕夏五月暴風雨雹拔

木壞屋隕石 十四年元日五色雲見秋大雨河海

交漲 采如皋志 十五年六月大雨發鹽義倉穀平糶

十八年九月雨河湖多漲西水驟至開范隄漂溺廬

舍人民蠲賦賑恤 十九年八月初二日大風潮溢

東臺縣志 卷之七 祥異 十四

淹角斜等場溺男婦人口計給棺殮銀三百兩有奇

賑恤平糶 二十年七月十四五日連夜風雨海潮

上湧淹亭蕩地畝蠲緩折價給口糧一月 以上采鹽法志

二十一年漕隄決大水大疫蠲免錢糧 二十二年

豁免窳欠折價 二十三年大稔 二十四年八月

初二三日大風潮溢淹沒亭蕩蓬舍田禾蠲免泰屬

北七場銀二萬一千三百三十兩有奇其餘帶徵有

差 二十四年秋大風海潮溢 二十五年五月雨

四十日大水發鹽義倉穀平糶 二十六年積水未

退秋大風潮溢巡撫陳宏謨奏准下河低窪田畝減

則 二十七年豁免通淮泰帶徵二十三年折價銀
九千六百五十四兩有奇 二十八稔 三十一
年普免漕糧 三十三年初分縣治夏秋大旱蝗河
竭知縣王玉成詳請撫恤准給口糧二萬四千六百
九十八戶發秦州常平倉穀子賑并放竈借草本賑
銀穀蠲免折價錢糧 三十四年春借給籽種銀四
千兩 三十五年稔 三十七年大稔秋大風潮溢
三十八年稔 三十九年秋大旱民地無禾者三千
二百三十二頃竈境無鹽富安至劉莊八場賑糶蠲
賦 四十年夏秋不雨旱蝗賑糶蠲緩折價錢糧各

東臺縣志

卷之七

祥異

十五

有差 四十一年稔 四十二年普免錢糧秋稔
四十二年夏秋旱竈給借口糧一月 四十四年
恩免民竈積欠銀兩 四十六年豁免四十三年竈借口糧
穀價秋大風潮溢 四十七年秋旱緩徵漕糧 四
十八年大稔 四十九年稔冬旱是年

恩免積欠錢糧

五十年大旱無麥無禾自三月至次年二
月十三日方雨運鹽河竭井涸蝗米石價十兩麥石
價五兩民饑賑糶蠲免民賦竈折 五十一年春大
疫麥秀雙歧七月水蠲賦兼賑 五十二年水 五
十三年大稔 五十四年蝗等滅秋稔 五十五年

春三月雨雹夏旱秋水冬十二月大雪四五尺
十六年稔 五十七年輸蠲錢糧五月三日大風雪
雨雹如益十二月雷 五十九年何梁場張麻套窩
氏徐氏田中黍稽數百株結太平壽等字皆紅色秋
雨海漲東臺何梁丁溪草堰四場借給草本 六
年元旦日食上元日月食春發鹽義倉穀平糶
嘉慶元年秋稔富安場墮口莊民陳鳳詔年八十歲五
世同堂 二年輸免錢糧 三年旱緩徵錢漕 四
年七月初三四日大風海溢范公隄決淹損民禾耕
茶角斜等場廬舍漂沒賑恤給修房屋銀蠲緩折價

東臺縣志

卷之七

祥異

十六

五年稔 六年稔 七年大旱河竭停徵折價
八年稔 九年春旱秋水大風潮溢停徵折價 十
年六月大風雨海潮溢五壩決西水驟至高湧丈餘
漂沒廬舍賑恤蠲賦 十一年春民饑食水中蘊頭
三稜等草河魚湧出人爭取之每斤直數文謠曰耿
侯放賑夏旱無麥大疫六月荷花塘決西水爲災賑
恤蠲賦 十二年二月初四日南三竈民成文泰妻
陸氏一產三男旱河竭無禾蠲賦 十三年春旱秋
荷花塘決災如十年賑恤蠲賦 十四年旱分別緩
徵錢糧五月趙家墾民人丁鴻葵年九十五世同堂

十五年旱分別緩徵錢糧 十六年旱分別緩徵錢糧
糧七月彗星見十月沒 十七年洪湖水溢分別蠲
賦 十八年春旱河涸秋湖水溢分別緩徵錢糧
十九年夏秋大旱河涸井枯無禾無鹽石米價五兩
民饑停徵錢糧折價發鹽義倉穀平糶借給竈戶口
糧草本 二十年春疫四月大雨麥秀雙歧秋湖水
溢分別緩徵錢糧 二十一年三月十七日大雪夏
秋水盛不爲災秋大稔 道光六年秋大水

按秦州志所紀祥異自宋初迄

國朝雍正六年其間於縣境鹽場或有漏略參以中

十場志鹽法志如臬縣志互考而備錄之以後則
采鹽法志如臬縣志暨歷年在縣檔冊並詳黃兒
緩錢糧停徵折價以見我

國家遇水旱何災獨貸賑恤有加無已之至意也